

Resumo da temporada 2015-2016 da Escola Base

Resumo da temporada 2015-2016 da Escola Base

PREBENXAMINS 'B': Nesta temporada os mais cativos do fútbol sala estiveron adestrados por **Diego**. Empezan a dar os seus primeiros pasos no fútbol sala e seguro que dentro duns anos nos darán moitas alegrías.

PREBENXAMINS 'A': Son un grupo tan numeroso que **Miguel** e **Carlos** (seus adestradores), ca temporada rematada, inda están pensando combinacións de rapaces para que xoguen todos. Nesta último ano sendo prebenxamíns demostraron toda a súa valía acadando un meritorio 4º posto, logrado grazas á ilusión e as ganas con que estes nenos van a adestrar e a xogar os partidos.

BENXAMINS: Adestrados polo tandem de **Rique's** este ano conseguiron o 4º posto da clasificación en liga e ademais fixeron un gran papel en copa sendo 2º de grupo.

ALEVIN MASCULINO: **David** foi capaz de ilusionar a este grupo de rapaces, que aínda sendo moi poucos e ter que ser axudados polos benxamins nalgúns partidos, puseron todo o que tiñan para seguir mellorando.

ALEVIN FEMENINO: Espectacular temporada das nosas xogadoras mais novas que este ano foron adestradas por **Araceli**. Aínda que case todas eran benxamíns, deron a talla nesta categoría acabando entre os tres mellores equipos de Vigo, facendo un xogo en equipo increíble para a súa idade. Temos unha moi boa canteira con este equipo, ao que esperemos que se incorporen novas nenas para facernos gozar como este ano nas mañás dos sábados.

INFANTIL MASCULINO: Volveron os infantís, esta vez adestrados por **Miguel Puime**, e non o fixeron nada mal, xa que sendo case todos de primeiro ano, grazas ao seu manexo do balón e a súa capacidade goleadora acabaron 5º na clasificación.

INFANTIL FEMENINO: Moi boa temporada das nosas infantís nas que se empeza a notar que xa levan uns anos xogando. De novo adestradas por **Toni**, co seu novo 'pinche' **Ángel**, acadaron postos de 'champions' en liga sendo terceiras. Ademais chegaron á final da copa onde, inda que non a ganaron, demostraron todo o que valen pelexando con equipos que escollen as mellores xogadoras do entorno. Así que, a seguir que o ano que ven ten que ser igual ou mellor.

CADETE MASCULINO: Outra vez dirixidos por **Carlos**, os cadetes tiveron mala sorte no sorteo da liga onde lles tocou pelexar nun grupo moi forte que os fixo mellorar moito a pesar de acabar 6º. Na copa, con equipos mais accesibles conseguiuuse o 1º posto do grupo co que lograron clasificarse para a fase final na que fixeron un gran

papel aínda que non puideron ganar.

CADETE FEMENINO 'B': *E 'pariu a avoa'*. Ante a enorme demanda de rapazas que quixeron empezar a xogar o fútbol sala con nós nesta categoría, tivemos que facer dous equipos para que todas elas puideran xogar. Polo que, adestradas por **María**, o equipo B das cadetes contaba cas xogadoras mais inexpertas que necesitaban ter minutos para avanzar no fútbol sala e poder demostrar a súa valía. E o conseguiron. A pesar de empezar a temporada un pouco irregulares, acabaron nun bo 4º posto no seu grupo. Pero onde se notou a melloría foi na copa onde deron 'espectáculo' a pesar de xogar contra todos os equipos da categoría.

CADETE FEMENINO 'A': Adestradas por **Manuel**, sempre acompañado da súa fiel delegada **Cristina**, podemos dicir que aínda que lle tocou no grupo con case todos os 'gallitos' da categoría conseguiron o 4º posto. Pero este grupo de rapazas que levan xogando dende alevíns demostraron todo o que saben na copa, onde chegaron á final despois de derrotar ao todopoderoso Poio nas semifinais. E aínda que perderon a penaltis na final, pódense dar como vencedoras porque fixeron un último partido espectacular a base, sobre todo, de gáñas e ilusión.

Source URL: <http://www.valladares.tv/content/resumo-da-temporada-2015-2016-da-escola-base>